



dd

Michael Mexelburg.



M. IX. 78.

Om  
da  
am  
leg



15  
D. O. M. A.  
DISPUTATIO MEDICA  
DE  
TERTIANA IN-  
TERMITTENTE, CVM IN-  
SVLTIBVS EPILEPTICIS PE-  
RIODICIS, IN CERTO  
SVBIECTO,

QVAM  
SVB PRÆSIDIO

VIRI CLARISSIMI, EXCELLENTISSIMI, EXPERIENTISSIMI,  
DN. CHRISTOPHORI TINCTORII,  
Phil. & Med. D., Seren. Elect. Brand. in Borusf. Archiatri,  
& in Acad. Regiom. Profesf. Publ., Fautoris sui  
plurimum observandi,

Publico exâmini sistet

JOHANNES GEORGIUS STRASBVRG,  
BERLIN.

In Auditorio majore

Ad diem 17. Jul. hor. à 7. matutin.



REGIOMONTI,  
PRÆLO REUSNERIANO. ANNO M. DC. XLVIII.



D. O. M. A.  
DISTRIBUTIO MEDICAE

TERTIANA IN  
TERMITTENTE CVM IN  
SALVTIBVS EFFLICTIS ET  
KIDNIS IN CERTO

QVAM  
ET PARS  
ET QVAM  
ET CHRISTOPHORUS  
ET PARS

ET PARS  
ET PARS  
ET PARS  
ET PARS



ET PARS  
ET PARS



## Cum bono Deo!

**Q**uanta sit artis medicæ difficultas, cum 1. aph. 1. testatur Hippocrates, dum vitam brevem, Artem verò longam esse dicit: tum præsertim in epist. ad Democrit. ubi se, quantumvis senem, ad Artis finem tamen nondum pervenisse, ingenuè fateri non erubescit. Quamvis vero multa sint, quæ difficilem hanc Artem reddunt: Illud tamen præcipuum videtur, quod non hominem in specie curamus, sed e. g. Petrum, Paulum &c. in individuo; unde accidit, ut quæ huic vel illi morbo salutaria esse, generalis methodus dictitat; certo subiecto applicata, non raro plus damni quàm emolumenti adferant. Ac propterea non sufficit Medico futuro, generalem novisse medendi Methodum, & scire v. g. quomodo inflammatio aut aliqua intemperies sit tractanda: Neq. etiam satis est, ad specialiora devenisse, ac novisse, quomodo e. g. intemperies vel inflammatio capitis, hepatis &c. commodè curari possit: Sed ad ipsa tandem individua descendendum, & quomodo omnia certo subiecto applicari commodè & possint, & debeant, addiscendum. Atq. hoc consilio, casus aliquam multos, à Clariss. Dn. Præfide communicatos, resolvere atque elaborare placuit, quorum unum publica censura nunc subiciam, ita illum tractaturus, ut 1. ex signis diagnosticis morbi speciem constituam, 2. morbum & Symptomata ad suas causas reducam, 3. signa prognostica annectam, 4. indicationes, & 5. ipsam deniq. curationem breviter subjungam.

CASUS





## C A S V S.

**H**Onesta matrona, circiter quinquaginta annos nata, constitutionis melancholicæ, hepate calidiore, ventriculo imbecilliore, aliàs lienis affectibus, nec non uteri præfocationi obnoxia; Sæpè etiam antehac epilepticis motibus divexata, mensibus interim etiamnum rite fluentibus; Cum victus minùs exactâ haberet rationem, incidit in febrim, singulis primùm, mox alternis tantùm diebus redeuntem. Rigore est fortis, quem sequitur calor nimium febriliter urgens, cum siti vehementissimâ, & linguæ aridi-



ariditate. Adfunt præterea vigiliæ, corporis inquietudo, & (quod quis miretur) quodocunq; paroxismus febrilis ægram invadit, Epilepticos illa motus, leviores tamen, per intervalla patitur: Unde virium lapsus & summa debilitas.

#### R E S O L U T I O.

**Q**UAMVIS varij sint morbi, quibus infestari paslim solent homines, certum tamen est, ipsam FEBREM nullum omnino esse frequentiore; utpote à quâ nullius vel sexus, vel ætatis, vel constitutionis homines esse immunes, fidissima rerum judicatrix Experientia testatur. Et vel id ipsum docet propositus modo casus honestæ matronæ, quam neq; sequior sexus, neq; provector paulo ætas, neq; frigida & sicca constitutio, à malo hoc immunem præstare potuit. *In febrim enim incidit*, non quidem continuo affligentem, verumtamen per certa intervalla *singulis primùm, mox alternis tantum diebus redeuntem*. Itaq; cum extra dubium sit, febris laborare ægram, eaq; intermittente, porro qualis nam sit illa febris, dispiciendum. Quamvis igitur initio *singulis diebus* febris redierit, atque adeo ratione periodi quotidiana potuerit videri: tamen duplicem potius fuisse tertianam, eamq; exquisitam, aut exquisitæ proximam, ex variis indiciis colligi haud difficulter potuit. Accessit enim Febris cum *rigore forti*, qui proprium est tertianæ febris *temperior*: Secutus calor *nimum febriliter urgens, cum siti vehementissima, lingua ariditate, &c.* Quæ omnia, ut bilis potius quam pituita aut

Morbi  
species.



melancholiæ præsentis sunt indicia; ita febrem tertianam, quæ putrescentis bilis est soboles, non possunt non manifestare. Cui rei etiam testimonium perhibet satis ut ualentum ipse eventus, & Tertianæ duplicis in simplicem mutatio, unde factum, ut cum initio singulis, post alternis tantum diebus, febrilis paroxysmus ægram invaserit. Exquisitam verò esse hanc tertianam, aut exquisitæ proximam, indicio est vehementia symptomatum, utpote quæ aliàs in nothis & minus exquisitis, longè mitiora esse conlueverunt.

**Causa.**

Causa hujus febris proxima est vapor calidus, à putrescente bile, cordi, atq; inde universo corpori, communicatus. Antecedens ipsa bilis: quod ipsum cum febris species, tum paulo superius enumerata symptomata, satis superq; testantur. Adest nimirum *Rigor fortis*, à vaporibus acribus biliosis, acrimoniâ suâ membranas vellicantibus, atq; naturam ad ejusmodi motum & concussionem stimulantibus: quem sequitur *calor nimium febriliter urgens*, ob vapores calidos, à putrescente bile ad cor primum delatos, indeq; cum sanguine & spiritibus, per venas & arterias, universo corpori communicatos. *Sitis est vehemētissima, cum lingue ariditate*; & ipsa à calidis fuliginibus, ad es ventriculi, pulmones, & ipsas denique fauces, transmissis; qui absumpta ibidem humiditate, sitim excitant, faucesq; & linguam exsiccant, ac quodammodo exurnnt. Insuper *Vigilia sunt moleste*, turbatis spiritibus à vaporibus calidis & acribus, ac absumptis à calore nimio suavioribus exhalationibus, quæ aliàs spiritus animales blande sopire, & somnum inducere consueverunt: & *corporis inquietudo*, atque ut loquuntur, *jectigatio*, à calidâ & acri materiâ, musculosas partes vellicante atq; molestante. Confirmant id ipsum



id ipsum causæ remotiores, *Hepar* nimirum *calidius*, cujus culpâ plusculum biliosi humoris est generatum: & *viæ ratio susq. deg. habita*, assumptis procul dubio ejusmodi alimentis, quæ ad *hepar calidius* delata, facillè in bilem converti potuerunt. Cæterum quod ægra nostra, *quandocunq. febrilis paroxismus eam invadit, epilepticos etiam motus, leviores tamen, per intervalla patitur*, id ipsum ad febrem ejusve causam neutiquam referri posse videtur. Cum enim inter omnes ferè constet, ad epilepsiæ generationem necessario requiri occultam quandam & malignam *diathesin*, cujus culpâ vellicatum cerebrum atq. laceratum, adversus hostem hunc sibi infensissimum insurgit, seq. ac nervosum genus contrahendo ac concutiendo, quicquid sibi molestum est excutere atq. propulsare conatur; alium hujus mali querendum esse fomitem, facillè cuivis apparet. Atq. rem ita se habere, vel inde patet, quod prius etiam quàm febris illam invaderet, *Epileptici moribus sæpius fuit divexata*. Unde liquido constat, Epilepticam ejusmodi *diathesin* etiam ante febris invasionem apud ægram nostram latitasse, adeoq. ad ipsam febrim epileptici hujus mali causam referri minime posse. Cum verò Affectus hic fiat, vel cerebro per essentiam laborante, vel per consensum partium inferiorum: arbitror omnino, in hac nostrâ ægrâ, cerebrum non tam per essentiam laborare, quàm per consensum inferiorum partium, Uteri præsertim, & Lienis. Indicio est, quod omnia circa paroxysmum sunt leviora, quàm in iis, qui ex primario cerebri affectu Epilepsiâ laborant: & quod in utero ejusmodi materia datur, quæ malum hoc excitare facillè potest. Uteri enim præfocationi obnoxia est ægra nostra, quam inter & Epilepsiam, magna est cognatio, cum idem ille vapor, & spiritus malignus, qui præfocationis uteri autor est, si paulo altius ascendat, & ad

caput



caput ac nervorum principium perveniat, epilepsiam quoque concitare possit. Symbolum tamen etiam suum conferre videtur *Lien*, *cujus affectibus agra nostra etiam est obnoxia*. Frequenter enim melancholicos fieri epilepticos, & vice versa, epilepticos melancholicos, vel Hippocratis & Galeni testimonio constat. Ut ita quemadmodum dixi supra, epileptici hujus mali fomes in utero praesertim & liene stabulari, jure merito videatur. Quod verò circa ipsos febriles paroxysmos, epilepticos insultus patitur agra, ratio hæc est, quod in liene & utero stabulantes, & jam epilepticam *διαθεσιν* nacti humores, quamdiu quieti manent, capiti & cerebro parum damni adferunt: Ubi verò accedente febrili paroxysmo, magna fit in corpore agitatio, adeoq; ipsos etiam, quos in dictis locis hæere jam dixi, malignos humores, aliquo modo agitari contingit; Tum verò noxios ejusmodi & virulentos eructant vapores, qui sacram Palladis arcem ingressi, epilepticos insultus pariunt: quos deinde, non minus ac ipsam febrem, *virium lapsum & summam debilitatem* sequi, non est mirum. Atq; hæc de agra nostræ affectibus eorumque causis dixisse sufficiat. Proximum est, ut eorundem curationi me accingam. Et

quamvis illa difficillima futura videatur, cum ratione febris, utpote quæ agra nec naturæ nec ætatis est congener: tum praesertim ratione motuum epilepticorum, quod Hippocratis testimonio, Comitiales morbi, aut convulsiones epilepticae, quibus post pubertatem eveniunt, maximam partem commoriantur: ipsa tamen duplicis tertianæ in simplicem mutatio, & epilepticorum insultuum minor vehementia, curationis spem facit non exiguam, quam etiam augeat, quod agra, quamvis provectioris sit ætatis, & *quingaginta circiter annos nata*, illo tamen naturæ beneficio

Prognost.



ficio adhuc gaudet, quo aliàs foemina à varijs morbis vel præservari vel liberari consueverunt.

Ita autem commode institui posse videtur curatio, si Indicationes.  
humores in corpore abundantes & præparentur & tollantur, eorumq; generatio prohibeatur, vapores capiti molesti revellantur, eorumq; maligna & epileptica qualitas corrigatur, cerebrum & reliqua viscera roborentur, atque urgentibus interim symptomatibus prospiciatur.

Ante omnia igitur, quo reliqua præsidia eò rectius adhiberi possint, primæ viæ erunt evacuandæ; quod ipsum Curatio.  
beneficio vel clysteris, vel lenientis medicamenti per os assumendi, poterit præstari. Clyster talis esse potest.

R. Rad. alth. unc. j  
    pæon. inf. temp. coll. drachm. vj  
Herb. malv., melilot, meliss.  
    rut. an. M. j  
Flor. chamam., samb. an M. ss.  
Sem. 4. frig. maj. an drach. j  
    pæon. drach. ij  
Coqu. inf. q. aqu. Colat. lib. j. add.  
Elect. Bened. laxat. drach. vj.  
    hier. simpl. unc. ss.  
Ol. lil. alb. unc. j ss.  
    chamam. drach. vj.  
Sachar. Thom. unc. ss. M. F. Clyst.

Vel si medicamentum leniens per os assumendum placet, paretur syrupus, qui

R. Syr. de cich. c. r.  
    pom. c. fol. sen. an  
    drachm. V.  
Agu. cichor. Unc. j. ss.  
Spir. Vitriol. ex Mart. gut. V. M.



Aut si magis arriident pilulæ

R. *Mafs. pil. de ammon. ℞. scrup. j.*

*Fagul. pæon.*

*Sal absinth. essent. an gran. i. v.*

*Resin. scammon Tenz. gr. ij*

*Cum mixt. simpl. q. s. F. Pilul.*

Quod si etiam Natura ad vomitum videatur inclinare, illi omnino erit subveniendum, in quem finem, Aqu. vomitor. Ruland., vel simile medicamentum, commode poterit propinari. Atq; ita expurgatis primis viis venæsectio erit administranda. Secabitur autem vena tali, utpote quæ præterquam quod sanguinis abundantiam, non minus ac brachij vena secta, potest minuere; insuper materiam in utero & vicinis partibus hærentem derivat, & ad caput ruentem quam optime revellit. Ac postea ad biliosi humoris præparationem & purgationem accedendum, ita tamen, ut & melancholici & pituitosi humoris aliqua habeatur ratio. Est enim ægra nostra *melancholica constitutionis*, quam procul dubio, præsertim cum *ventriculo sit imbecilliore*, pituita aliqua comitatur abundantia. Cæterum ratione motuum epilepticorum, cum præparantibus, tum purgantibus commodè admiscebuntur, quæ specificâ qualitate Epilepsiæ medentur. Pro præparatione itaq; paretur tale medicamentum.

R. *Syr. de cich. s. Unc. ij.*

*aperit Minder. Unc. j.*

*de pom. s.*

*pæon. an drach. vj*

*Aqu. cicbor.*

*acetos. an Unc. jv*

*flor. til. pæon. an Unc. ij*

*Spir. Vitriol. drachm. j.*

*M. pr. aliquot dos.*



Purgabitur autem corpus his pilulis

R. Mass. pil. de Tart. ℥. gr. xv.  
hier. c. agar.

Extract. rhabarb. an. gr. vij.

Facul. pæon., bryon. an. gr. v.

Resin. scammon. Tenz. gr. ij.

Spir. Vitriol. ex Mart. gut. iij

F. Pil.

Velfi pulvis placet

R. Spec. diaturb. c. v. drach. β.

Sal. essent. absinth. gr. vij.

Facul. pæon., bryon.

Tart. vitriol. an. gr. iij.

Resin scam. Tenz. gr. iij.

M. F. Pulvis.

Purgato ita corpore, proxima erit cura, ne vitiosi humores porro generentur, aut generati ne colligantur: quod ipsum & commodâ victus ratione obtineri poterit, & sequenti nodulo, qui

R. Rad. pæon. i. t. c. drach. vj

aristol. rot. Unc. β.

Cort. rad. cappar.

Visc. colurn. an. drach. ij

Herb. beten. scolopendr.

Cuscut. an. M. j

Flor. borrag. bugl. an. P. ij

Sem. pæon. drachm. ij

Fol. fen. s. f. Unc. j.

Rhabarb. opt. Unc. β.

Agar. trochisc. drach. iij

Turb. gum. drach. ij



*Sem. anis. drach. j. ss.*

*Nuc. mosch., mac.*

*Cinam. an. drach. j.*

*Spic. scrup. ij.*

*Incis. & contus. gr. m. d. pro Nod.*

emendatā præsertim, si quæ adhuc restat, hepatis calidiore  
intemperie, hoc Electuario

*R. Conserv. ros. vitriol. Unc. iij.*

*rad. cich. Unc. ij.*

*Carn. citr. condit. Unc. j.*

*Spec. arom. ros. incompl. drach. ss.*

*diarrhod. Ab. incompl.*

*diatr. santal. an. scrup. j.*

*Spir. Vitriol. q. s. pr. suavi aciditate*

*Cum Syr. de Cich. f. F. Etect.*

quod hepatis fervorem extinguet, & languenti ventriculo  
nequaquam oberit. Cui tamen etiam commodo empla-  
stro aut linimento poterit prospici. Ad putredinale fer-  
mentum vero expellendum, & epilepticam dispositionem  
emendandam, utilissimum erit sudoriferum.

*R. C. C. philos. præp. drach. j.*

*Sal. absinth. essent. drach. ss.*

*Antim. diaphoret.*

*Fæcul. pæon., Magist. Lun.*

*Cran. hum. præp.*

*Ungul. alc. præp. an. scrup. ss.*

*M. F. Pulvis.*

Cujus quarta pars ante paroxysmum detur, cum cochle-  
ari uno atq; altero sequentis liquoris.

*R. Aq. fumar. Unc. iij.*

*ceras. nigr.*

*ss. til. an. Unc. j. ss.*

*Mixt. simpl. drach. j. M.*



Poterit etiam ratione putredinalis fermenti, carpo applicari seq. unguent.

R. Unguent. popul. Unc. β.  
Tel. aran. drach. iij.  
Pulv. oliban. drach. ij  
Sal. drach. j.

Cum Therebinth. q. s. F. Ungu.

Capiti etiam, nec minus cordi & ventriculo roborando inservient Morsuli.

R. Spec. pro Mors. Imp. s. Mosch. Unc. β.  
Nuc. mosch. cond.  
Myrob. chep. condit. an. drach. ij  
Conserv. rad. pæon. drach. i ij  
Corall. r. præp. drach. β.  
Cran. hum. præp.  
Corn. alc. philos. præp. an. scrup. j  
Sach. in aqu. fl. zil. solut. q. s.  
F. Morsuli.

Interim & dum hæc aguntur, non negligenda urgentia symptomata, sed illis etiam commodis medicamentis occurrendum. Ad sitim itaq; extinguendam, & linguæ ariditatem emendandam, paretur Julapium.

R. Decoct. hord. c. C. C. fact. libr. j. β.  
Aqu. cichor., acetos.  
fragor. an. Unc. i ij  
Syr. acetos. citr. Unc. j. β.  
ribium.  
de pæon. an. Unc. β.  
Spir. Vitriol. q. s. pro suavi acid.  
M.

Utile hic etiam erit Electuarium ad hepatis fervorem præscriptum. Potest etiam Lapis prunellæ in aquâ dissolvi,



& pro collutione oris usurpari. Ad arcendas vero vigilias,  
& restaurandas quodammodo vires, conveniet Emulsio

R. Amygd. d. excort. Unc. j

Sem. 4. frig. maj. Unc. ss.

papav. alb. drach. iij

Fiat. l. a. Emuls. cum

Decoct. hord. c. C. C. fact. lib. j.

Aqu. fragor. borrag.

nymph. an. Unc. iij Add.

syr. de papav. Unc. j

Man. Chr. perlat. drach. iij. M.

Vel ad virium imbecillitatem præparetur hic Liqueor.

R. Aqu. perlar. Unc. vj.

borrag.

fragor. an. Unc. iij

Magister. corall.

Spec. diatr. sant. an. drach. j.

M. pr. aliquot dof.

Cordis etiam regioni & carpo utriusq; manus applicetur Epithema

R. Spec. cord. temp. drach. j.

Aqu. borrag. bugl. an. Unc. iij

nymph. Unc. ij

Acet. sambucin. Unc. ss. M.

Quibus omnibus adjungenda commoda victus ratio. Aër sit purus, & quantum fieri poterit, temperatus, Venti & radij lunares fugiantur, Cibi sint concoctu faciles, non saliti nimium, nec calidioribus aromatibus conditi; sed cum acetosâ potius, asparago & similibus herbis parati. A dulcibus vero, & quorum facilis est in bilem transitus, præferim verò ab ijs, quæ peculiari proprietate epilepsiam concitare putantur: ut sunt petroelinum, carnes hircinæ

aut



aut caprinæ, allium &c. abstineat. Potus nec calidior sit, nec vaporum copiâ capiti molestus, quæ nomine à vino, nisi tenuius fuerit & parum vinosum, abstinendum cenſeo. Cæna ſit parcior; Somno non niſi aliquot horis poſt paſtum utatur. Alvus ſemper aperta ſervetur, atq; ut menſtrua purgatio ſingulis menſibus rite fiat, curetur. Animi affectus vehementiores vitentur, imprimis ab irâ & terrore ſibi caveat, cum vix quicquam in concitadâ Epilepſiâ efficacius ſit ipſo terrore: quod ipſum non Medicorum ſaltem obſervationes, ſed & quotidiana experientia ſatis ſuperq; teſtatur. Tantum.


### Corollaria.

An detur Epilepſia Periodica? A.

An detur Epilepſia contagioſa? A.

An in paroxiſmo Epileptico quandoq; venam ſecare liceat? A.


SOLI DEO GLORIA.













863

P.P.



IX. 18



863545 Bibliotheca 26.000,<sup>5</sup>  
P.P. Camaldulensium in Bielany

Depozyt w Bibliotece Jagiellońskiej



06947



